

古今圖書集成

中華書局影印

第〇六四冊

方輿彙編

職方典

順天府志

二二三
(卷)

欽定古今圖書集成方輿彙編職方典

第十三卷目錄

順天府部彙考六

順天府山川附考二



職方典第十三卷

順天府部彙考六

順天府未詳山川附考二

良鄉至懷柔

料石岡 方輿紀要在良鄉縣治東三里岡有古城五座方岡基布岡頂有多佛塔隋建長安客話良鄉縣城東里許有石岡石赤色如燎以取火因名燎石岡舊有佛塔亦名塔岡
伏龍岡 名勝志縣西十里伏龍岡形勢蜿蜒如龍之伏故名

龍泉山 名勝志縣西十五里為龍泉山山下有石龍口出泉不竭東流入鹽溝河

聖水 水經注聖水南流歷良鄉縣西轉又南經良鄉縣故城西王莽之廣陽也有防水注之又聖水出上谷東過良鄉縣南又東過長鄉縣北又東過安次縣南

龍谷泉 寰宇通志金大定間所鑿極甘在良鄉縣西北

琉璃河 石湖集琉璃河又名劉李河在涿州

北三十里水極清洌茂林環之尤多鷺鷥千百成羣此河大中祥符間路振乘輅錄亦謂琉璃河唯嘉祐中宋敏求入蕃錄乃謂之六里河長安客話良鄉縣南四十里有琉璃河自房山龍泉峪流至霸州入拒馬河又胡良河自房山經涿州入此河舊有橋長數十丈橋畔倚一鐵竿長數十尺蓋鎮壓之物俗謂王彥章所遺鐵篙謬也其元恩咸濟二坊並世廟敕建燕都游覽志琉璃河即金史所載之劉李河桑欽水經曰在上谷孫汝澄曰即琉璃河也

北涉溝南涉溝 名勝志俱在縣東至涿州入桃水水經注聖水自涿縣東與桃水合首受涑水于徐城東南良鄉西分涑水世謂之南涉即桃水也方輿紀要南涉溝即督亢水北涉溝在涿州西北自涑水縣流入即涑水也

涑水 水經注涑水東逕涿縣北東流注于桃故應劭曰涑水東入桃關關曰至陽鄉注之以上俱良鄉界

內山川
涑水 水經注涑水上游護陂於臨鄉縣故城西南逕臨鄉南漢封廣陽王子須為侯國地理記曰方城南十里有臨鄉城故縣也

福祿水 水經注福祿水出西山東南逕廣陽縣故城南東入廣陽水亂流東南至陽鄉縣右注聖水聖水又東南逕陽鄉城西不逕其北矣縣故涿之陽亭也地理風俗志曰涿縣東五十里有陽鄉亭後分為縣王莽時更名章武即長鄉縣也按太康地記涿有長鄉而無陽鄉

桑乾河 方輿紀要桑乾河自良鄉縣流注縣界又東南流入東安縣境合于拒馬河名勝志云桑乾河在縣西二十里至燕丹口分而為二其一至通州入白河其一逕小直沽入於海此接桑乾水之在固安縣界者

巨馬河 太平寰宇記巨馬河在固安縣之西一百一十里方輿紀要盧溝河入縣境復分流入霸州界謂之巨馬河或謂之安陽河周顯德六年世宗遣先鋒將劉重進據固安自至安陽水作橋謀取幽州會有疾而還建文時燕王駐兵固安渡巨馬河即此

清淀水 水經注聖水東南流石會清淀水水發西淀東流注聖水謂之劉公口也

拒馬河 方輿紀要永清縣南拒馬河自霸州經東安縣境又東入縣界注于武清縣之三角淀即盧溝河及易水之下流也

易水 水經易水出涿郡故安縣閭鄉西山東過范陽縣南又東過容城縣南又東過安次縣南

聖水 水經注聖水又東逕渤海安次縣故城南漢桓帝中平二年封荊州刺史王敏為侯國又東南流注于巨馬河

白祀溝水 水經注白祀溝水出廣陽縣之婁城東南流左合婁城水水出平地導泉東南流右注白祀水亂流東南逕常道城西故鄉亭也西去長鄉城四十里魏少帝璜甘露三年所

封

枯溝 枯溝自安次西北東逕常道城東安次縣故城西晉司空劉琨所守以拒石勒也

東川 西川南川 東安縣志大石橋之流爲東川西浮橋之流爲西川八里迤西之流爲南川晉劉琨守此以拒石勒

盧溝河 方輿紀要盧溝河在縣西自固安縣流入境元皇慶初渾河水溢決東安境內黃塢隄一十七所是也又東南合霸州之巨馬河

東安縣志盧溝水至東安過耿就橋一分東至界河入土樓東南一分西至界河入左奕西南自盧溝橋下流從固安縣經未清縣北東注自孫家堡一分派未清之南一分派東安之西至隆慶末年分派于東安者又分爲二一由韓村至管家屯迤東似有奔縣之勢然離縣二十里即停不行止在本屯前後左右爲害一從韓村東南下歷衡亭在奕朱村馬子莊至桃河頭萬曆二年積雨水溢人畜漂沒知縣洪一謨力請築隄隄成賴以無患萬曆六年馬子莊隄口決

奔駝灣知縣韓景閔塞之九年舊口復決知縣張汝蘊修之自是屢修屢決至二十三年七月河徙于霸州泥河舊址盡成沃壤矣

易水 易水在縣南舊過安次縣界爲固安河今與拒馬河同爲一川矣

八丈溝 水經注八丈溝水出安次縣東北平地泉東南逕安次城東

風河 名勝志風河水一渠從西北流至鳳窩

村雖隆冬近寒水亦不冰

蓮花泊 東安縣志蓮花泊在縣治南三十里甄家莊南東流經葛城入武清

白溝河 東安縣志白溝河在縣治西八十里其源自栲栳園流入縣境東南抵武清直沽港東沽港 方輿紀要東沽港在縣南五十八里水自縣西渾河分流而東入武清縣三角淀垂楊渡 名勝志垂楊渡在東沽港之北下通靜海縣夾岸垂楊凡數里

尼姑口 尼姑口昔人講水戰之具于此又按宋史河渠志自邊吳淀至尼姑海口深不可以舟行淺不可以徒涉綿亙七州軍屈曲九百里雖有勁兵不能度也

駝港 名勝志駝港在香河縣北八里源自三河縣之兔兒山流經縣界入白河

板督口 名勝志板督口河源自通州之孤山麓流經縣西入于白河

大龍灣小龍灣 長安客語香河縣境南有大龍灣小龍灣二水夏秋始合流經寶坻縣界入七里海相傳遼時海運故道

百家灣 百家灣在縣北其水無源四時不竭相傳有居人百家淪沒于此風雨昏晦尚聞雞犬之聲

孤山 方輿紀要孤山在州東四十里四面平曠一峰獨秀因名靖難初李景隆攻北平燕王自大寧還至孤山列陣於白河西即此

潞水 太平寰宇記潞河一名沽河一名鮑丘

水北自檀州密雲縣界流入魏氏土地記潞縣城西三十里有潞河源出北山南流謂此水長安客語潞水自塞外丹花嶺合九泉水一南經安樂故城與贏水合爲西路河一南經孤奴故城與鮑丘水合爲東路河 許奉使行程錄潞河東半里許有潞沙曹操征烏丸袁尚等鑿渠自漳沱由派水入潞沙即此地也 路史幽之路縣有潞水即潞河也 燕都遊覽志潞河鐵後倪元季物

白河 方輿紀要州東二十里白河源出宣府衛龍門所東滴水崖東流入密雲縣北境之石塘嶺過縣西入通州界其支流亦從石塘嶺過懷柔縣西順義縣東入通州東境合爲東南經灤縣武清縣東而入直沽合衛河入海一名潞河亦曰沽水水經鮑丘水出禦膳鎮北塞中俗謂之大榆河南過潞縣爲潞水後漢建武二年遣將鄧隆討彭龍于漁陽隆軍潞水南爲龍所敗宇文周宣政初幽州人盧昌期起兵據范陽高寶寧時據和龍引兵聲援至潞水昌期已爲周軍所平乃還唐武后萬歲通天二年契丹孫萬榮作亂寇掠河北諸州既而敗走潞水東爲其下所殺宋宣和六年金幹離不自平州破檀薊至三河郭藥師迎戰于白河敗還遂以燕山一路降金明嘉靖二十九年古北口有警御史王行馳至通州收漕舟艤潞河西寇阻水不得渡是也 明一統志白河自密雲南至牛關山與潮河合流至通州入直沽一名白遂河通

州志河兩岸皆白沙不生青草故名 漕船志
都城經通州六十里爲大通橋河通州至直沽
三百六十里爲白河 漕河圖志秦使天下飛
芻輓粟起于黃埭琅瑯負海之郡轉輸北河北
河蓋卽白河也隋煬帝穿永濟渠引沁水北通
涿郡蓋自白河入丁字沽由易水而達于涿也
唐明皇事邊功運青萊之粟浮海以給幽平之
兵蓋亦由白河也宋太平興國中于清苑界開
徐河雞距河入白河以通關南漕運元至元中
海運出直沽入白河以抵京師按桑乾河自蘆
溝橋東南流經固安縣楊先務又經霸州苑家
口合灰河渾源州崢川胡良河琉璃河廣陽河
鹽河至武清縣丁字沽凡四百餘里入白河自
楊先務至丁字沽通舟楫又保定府西北漕河
徐河石橋河一畝泉河滋河沙河鴉兒河唐河
諸水發源不一至安州西北十八里合流總名
易水至安州至雄縣南又名瓦濟河東北經保
定縣貓兒灣又會中堡河長流河溫義河拒馬
河白溝河至霸州苑家口與桑乾河合自安州
至丁字沽四百餘里通舟楫又鐵釘竿河自博
野縣東北至河間府數支繞城而北相合東北
流五十餘里至市莊分爲二一自市莊西北十
五里流經任丘縣南分爲二遠城而北相合東
北流二十餘里至武盡淀一自市莊東北流經
東莊橋至武盡淀二水又合東北至貓兒灣與
桑乾河合自河間府至丁字沽五百餘里任丘
縣至丁字沽四百餘里俱通舟楫按此則白河

西北可通固安縣又可通安州東南可通河間
府桑乾易水亦可以漕運無疑矣抑燕趙之間
地方千里其間巨細河流悉至武清縣丁字沽
注於白河一遇雨潦白河滿溢武清縣要兒渡
口南蔡村等處衝決隄岸壞民田廬起夫築塞
勞費萬計逮時乾旱舟行白河又或淺阻以此
知水勢盈涸不常不可以經久而論也 元史
白河在鄚州東四里北流出通州潞州境又東
南至香河縣界又流入縣南入於武清縣境達
於靜海縣界 鄚縣志白河濱有長陵營馬頭
店白浮圈曹家莊諸隄鋪皆運河必經之道
黃船埠河 通州志通州城北五里有黃船埠
河水紫洞官柳陰映永樂中設黃船千艘以其
半輪往江浙織造俗名黃船塢
富河 通州志富河在州城北源出藥山自白
羊口經榆河下流爲沙河由順義縣南界流至
州城東北與白河會焉
金盞兒淀 方輿紀要金盞兒淀在州北二十
五里廣袤三頃水上有花如金盞因名或云卽
古夏謙澤
張家灣 方輿紀要張家灣在州南十五里元
萬戶張瑄督海運至此而名東南連艘由直沽
百十里至河西務又百三十里至張家灣乃運
入通州倉蓋盧溝河與白河會流處也長安客
話張家灣爲潞河下流南北水陸要會自潞河
南至長店四十里水勢環曲官船客舫駢集於
此絃唱相聞最稱繁盛

泗河 長安客話泗河在鄚縣東四里卽運河
也四水合流故名泗河一發源自塞外東流經
密雲縣與潮河川合流注通州城東北入白河
卽通州潞河也一自塞外西流入白羊口經榆
河下流沙河由順義縣南界至通州城東北入白
河卽通州富河也一發源於昌平白浮村神山
泉出西南匯爲西湖東入都城積水潭入宮牆
太液池南至玉河橋由東南大通橋進東入慶
豐等廟卽通會河入白河一自都城左安門外
草橋流入南海子東出弘仁橋由水南新河至
張家灣板橋入白河總名運河亦名白河
鄚河 方輿紀要鄚河在縣西一名新河自盧
溝河分流至縣界析而爲三其正河爲鄚河東
入白河其一爲新莊河南流入武清縣界其一
爲黃汭河東注馬家莊之飛放泊各去縣十里
延芳淀 燕山叢錄鄚縣西有延芳淀大數頃
中饒荷菱水鳥羣集其中遶時每季春必來此
弋獵打鼓驚天鵝飛起縱海東青擒之得一頭
鵝左右皆呼萬歲海東青大僅如鵝既縱直上
青冥幾不可見俟天鵝至半空嶽自上而下以
爪攫其首天鵝驚鳴相持墮地
以上皆通州及
鄚縣界內諸水
段家嶺 方輿紀要在縣東二十里官道旁
靈山 名勝志靈山華山聖水山駝山俱在縣
北靈山去縣治十五里三面出泉形勝記所謂
北倚靈山者也
華山 又十五里爲華山一名兔兒山

駝山 石城山 青梁山 即香河縣駝港之源水遠駝山而出故名其地又有石城青梁諸山

聖水山 鳳凰山 在縣西北三十里又十五里爲鳳凰山

七渡河 方輿紀要七渡河在縣西北一名黃頻水源自順義縣黃頻峪流注縣界下流入於白河

鮑丘河 方輿紀要在縣西南即白河之別名也自密雲縣流經通州東境米莊村又流經縣界至寶坻縣境合於洵河

洵河 方輿紀要在縣北自薊州平谷縣流入縣境又東南流入寶坻縣界合於鮑丘河唐志縣北十二里有渠河塘西北六十里有孤山陂溉田三千頃渠河疑即洵河之爲也

聖水 長安客話三河縣西北有泉汲以洗目可愈目疾因名聖水

白河 方輿紀要白河在武清縣東三十五里即運河也北接灤縣南達天津

沽河 水經注沽河東南逕泉州縣故城王莽之泉調也

洵水 水經注洵水又南入鮑丘水又東合泉州渠口故瀆上承宰池水於泉州縣故以泉州爲名北逕泉州縣東又北逕雍奴縣東西去雍奴故城一百二十里自庫池入其下歷水澤一百八十里入鮑丘河謂之泉州口陳壽魏志曹太祖以蹋頓擾邊將征之從洵口鑿渠逕雍奴

泉州以通河海者也今無水

雍奴水 水經注雍奴數澤之名四面有水曰雍不流曰奴漢光武建武二年潁川太守寇恂爲雍奴侯魏遣張郃樂進圍雍奴即此城矣又雍奴東極於海南極庫池西至泉州謂之雍奴戴其澤野有九十九澱 名勝志縣南八十里有三角淀周廻二百餘里即古雍奴水也箭溝其別名耳水自范堤口王家陀河及劉道口魚兒里諸水匯於大沽港入於海燕山叢錄武清一淀云是舊城陰晦之旦漁人多見城堞市里人物填集

清沽港 方輿紀要清沽港在縣南八十里西接安沽港東合丁字沽入於海丁沽東南去天津六十里

箭溝 水經沽河從塞外來南過漁陽狐奴縣北與濕餘水合爲沽河又東南至雍奴縣西箭溝又東南至泉州縣與清河合東入於海水經注箭溝濕水入焉俗謂之合口也

直沽 丁字沽 西沽 方輿紀要直沽在縣東南一百二十里衛河白河丁字沽合流於此又東南四十里名海口通典謂之三倉河口元於此置海津鎮天順二年議自小直沽鑿河四十里達薊州以免海運每三年一浚尋罷 長安客話三沽者丁字沽西沽直沽並禹跡疏導之處其曰丁字沽者河形三分如丁字也合衛河白河會於直沽相繫入海土人呼直沽曰大直沽 武清縣志河以北之水多從直沽入海

此即古者九河入海之處地勢卑下遇霖潦直與海平昔人嘗欲因其填淤置稻田以足賦今府境諸水類以直沽爲壑

經世挈要云燕南之地以水爲固畿內千里之水皆會於直沽武清之三角淀即古之雍奴長闊百餘里寶坻之七里海亦渺然巨浸皆在直沽之內今不引之相通而更障之置巨壑於無用之地不惟河流不安亦且天險弗設良可憾已

以上皆武清縣界內山川

淤泥河 縣志淤泥河在寶坻縣西北二十五里

潮河 方輿紀要潮河在縣東二十里一名白龍港其上源一自遵化縣之黎河一自三河縣之洵河鮑丘河至縣界三叉口合流亦曰運糧河東南入於海志稱縣治東北有渠河自香河縣來蓋洵水經香河縣而後東入縣界故縣有渠陽之稱縣志潮河隄自縣西北金陵口抵縣東南江湍口二百餘里

渠河 縣志渠河水自香河縣蒲石河東注流經城池內開源水關入城經武曲橋直注文昌閣下過文明橋西抵

文廟之泮池復南流由通津橋出節流水關蜿蜒百里至八門城會潮河入海寶坻縣潮河經其東三叉緯其北渠水遠西而絡其南白龍港自薊州而通於天津橋頭由夏店而合於三叉所謂四水濽河也

柳沽河 方輿紀要柳沽河在縣東北三十里

玉田縣之水會流入縣境曰柳沽河下流注於白龍港

草頭湖 方輿紀要縣東南有草頭湖遵化豐潤縣境之水流入縣界溢而為湖會潮河入海也

七十二沽 縣志縣東南有七十二沽

七里海 縣志七里海在縣東南一百三十里經世挈要畿輔東南諸流銜連會於直沽武清有三角流寶坻有七里海足以浸灌千頃田今皆棄為汙池誠師虞集海田之議用脫脫營田之規墾之歲可得粟百萬斛也以上舊風縣界內山莊

湯山 在州東南三十里有溫泉可浴水經注濕水又東溫泉水注之疑即此也

下臺山 昌平山水記東山口內一里水中有小山曰平臺山成祖嘗駐蹕焉嘉靖十五年上命作亭於上名曰聖蹟十七年四月上幸平臺山祀成祖文皇帝於亭中亭圓以白石為欄盤旋數十級而上御題聖蹟二字當口一小山曰影山口內北三里有蟒山

綿山 芹城小志在州東十五里或名宜山元混一方輿勝覽載有綿山寺金真定周昂題詩其上有野闢羣山驚破碎雲低滄海認微茫亦警句也

積粟山 州志在州西北十五里相傳元時積粟於此

駐蹕山 昌平山水記在州西二十五里袤二十里壁立十丈頂皆白南有棲雲嘯臺高二丈

許正北有石梯可上金章宗建亭於此舊傳山下有石牀石釜今亡州志山巖下仙人碁碁樺碁子皆具子但可移不可得而取上方寺在駐蹕山上有十八盤寺南為仙人陀仙人池在山下相傳有仙人浴此

神嶺峯 州志神嶺峯在灌石村西北金章宗游此以所飲酪漿灑於石壁之上至今猶白西南有寒崖多奇花草

仙人洞 昌平山水記中山口北一里有仙人洞洞在山麓可容人二百洞口向東從石梯而下石皆倒垂下為平地洞西壁有一門近門上有石鐘下懸長數尺門之內少入轉而南見有石罅如夾道深黑人不取入燕都游覽志仙人洞在紅門內東山腰去碑樓三里踰路而上洞口僅容一人僂而入內若大廈日色下燭石皆倒垂

虎谷 長安客話駐蹕山之西曰虎谷其旁土岡一丘名小金山日亭午人過岡下有光射衣若金色然昌平山水記西山口西四里有虎谷山又三里有大虎谷山

溝溝崖 薊丘集溝溝崖深山疊嶂秀石緣空三十餘里悉履石攀葛始達山巔清流繚繞奇樹揚芬旁有蘭石數區帝京景物略昭陵之北曰响峒崖崖下有菴曰瑞峯一曰摩尼州志响峒崖在州治西北德勝口內崖西峯有水月亭昌平山水記德勝口西三里溝溝巖巖分上下中下望之若石梯深險可避兵肅松錄德勝口

南兩山相夾人行礪礪中數十步輒一折數里外見崖旁鴨腳樹二羅漢松一近而知為瑞峰菴也又里許陟一嶺徑仄多亂石前人舉踵石

袞袞觸後人足嶺之巔為崖折旋半里有岫峰菴谷云盤道菴中有泉鴨脚一本可休息復三折而下溝始寬分為二泉涓涓流甚清駛山麓遮其左若無路然再折過一溝始望見三峰矣中峰位乎乾東峰位乎艮西峰位乎坤三峰左右環拱為峰者二十有二所謂仙人玉女將軍步虛玻璃五雲金華紫極皆以意名者也又從磴道上十餘折至東峰菴再折而上為中峰有玉虛觀從中峰下有西王母祠祠後石壁高三十仞石理猶惡壁右有方池流入巖下為瀑自中峰緣崖而西為西峯菴菴右有泉僧引之入香積泉石有方亭敞潔可坐瑞峰菴有大學士趙志昂碑記岫峰菴有右通政李琦碑中峰菴有禮部郎中馮元殿碑西峰菴有大學士王錫爵禮部左侍郎翁正春二碑碑文皆稱溝溝崖爾雅水注谷為溝以之稱名夫豈不古而帝京景物略妄以响峒易之何哉翁文簡公集溝溝崖勝國梵宇繇互凡七十有二入明僅存其五西峯者五菴之一也

長城嶺 灰嶺 薊丘集北山上平行西五里有嶺曰長城微有古堞剝蝕傳是秦皇之址有泉出焉曰馬跑又西二里有思臺下臺而西又十里皆峻嶺也灰嶺險倍於長城石如蛤粉下山有城是鎮邊之廢邑

碧駕山 通明山 鷹揚山 澤落山 薊丘
集城又往西八里有城是曰鎮邊兩旁皆山圍
之南曰碧駕曰通明北曰鷹揚曰澤落碧駕之
巖有小湖中有赤鯉盈尺是曰合抱之河鎮邊
西十里有墩曰唐耳背據大山斜界居庸鎮邊
廢邑其南皆山中爲衢路

六華巖 小神山 青利山 鳴臯洞 薊丘
集東曰六華之巖西曰小神之神曰青利之山
巖分形如六華其第四巖有洞深窈是爲鳴臯
洞

長峪 德勝巖 鳳凰巖 薊丘集山南十里
有聚曰長峪又西五里有巖曰德勝又曰鳳凰
上有蘭若山下出泉流二十里達於渾河
觀音洞 孤松巖 西峪 薊丘集山上有隱
鶯臺山西有觀音洞又曰孤松巖山南嶺曰西
峪其下有碑不可辨識

白鶴峰 青華山 薊丘集自長峪而東二十
里有聚曰菩提塹有寺曰白瀑寺出山而北曰
白鶴峰又折而東則走高崖山僧言二月之交
有山曰青華下可萬仞每有瑰形奇物且飛且
走銜乳而西獵人莫敢近也

神嶺山 方輿紀要神嶺山在州東北三十二
里山高百餘丈下有龍潭流入白浮堰所謂神
山泉也
神嶺 燕都游覽記神嶺一名三思嶺以其高
峻故名
銀山 昌平山水記銀山在州東北六十里緣

石梯而上五六里名中峰唐僧鄧隱峰之所居
也下有法華寺有隱峰十詩曰白銀峰曰佛頂
峰曰古佛巖曰說法臺曰佛覺塔曰懿行塔曰
雪堂曰靈堂曰茶亭曰藻泉金大定六年立石
方輿紀要銀山峰巒高峻冰雪層積色白如銀
麓有石崖皆成黑色謂之銀山鐵壁燕山紀游
銀山度嶺數折峰漸分爲三左一峰石卓立如
錐峰下有塔凌空爲法華寺寺建於金天會三
年曰大延聖寺正統間太監吳亮修寺後古佛
巖乃後人新鑿再上爲鄧隱峰說法臺復躡危
蹬五六里爲中峰頂峰石銳上如斧刃懸索升
之凡兩轉至頂一石臺方丈許翼以扶欄中一
石龕供石佛左懸一鐘升者擊焉寺塔七高各
數丈
閻王鼻 中溪集銀山頂由閻王鼻行山脊如
刀背僅容納足長十餘步兩旁如削下臨萬仞
不可凝視
井兒谷 玉峯山 帝京景物略銀山中峰下
有寺曰大延聖寺正統十二年重修賜額曰法
華二碑皆太監吳亮撰并書又弘治十年翰林
學士汪諱澤業堂記碑今斷寺西上半里爲松
棚菴門內外各一松北上一里鐵壁寺塔曰延
聖塔弘治四年建塔前有釋行倫詩碑弘治八
年立山北四十里爲井兒谷又一里下峰山出
石盡白樹多蘋婆果林中有大萬聖寺十八呼
張開寺像設皆石入山者取道二一從白浮嶺
入路險難一從三思嶺牛蹄嶺入差平

燕山 記纂淵海燕山自西山迤邐東來至玉
田縣西北延袤數百里直抵海岸
天壽山 翁文簡公集燕山去神京百里而近
國朝諸陵寢在焉更名天壽大政記永樂七年
五月營壽陵於昌平縣東黃土山封曰天
壽山水東曰記永樂七年成祖十壽陵選得吉
壤舊名東樺子山陵成封曰天壽按京北之山
而天壽一山既名黃土山此又
云東樺子山是一山有兩名也
蔣山神仙洞 肅松錄出昌平州東門數里入
伽藍口又三里爲永陵園園後曰蔣山山腹有
神仙洞洞不甚深鐫字於旁曰蜿蜒龍脊山吞
月磊砢雲根洞有天上懸一石如覆鐘狀山上
有三清殿
鳳凰山 蟒山 虎峪 燕都遊覽志天壽山
陵前有鳳凰山後有黃花鎮左有蟒山右有虎
峪東西山口兩水會流於朝宗河
皇山 距長陵一里是爲皇陵
黑山 距獻陵三里是爲景陵
石門山 距景陵六里是爲裕陵
寶山 距裕陵二里是爲茂陵
史家山 距茂陵二里是爲泰陵
金嶺山 距泰陵三里是爲康陵
陽翠嶺 距康陵十六里是爲未陵
大峪山 距未陵九里是爲昭陵距昭陵一里
是爲定陵
皇山二嶺 距定陵五里是爲慶陵
雙鎖子峪 肅松錄德陵葬雙鎖子峪在未陵

東北隅 昌平山水記德陵在潭子峪距木陵東北一里自木陵碑亭前分北為德殿神路鹿馬山 昌平山水記有田貴妃墓南距西山口一里崇禎壬午妃薨葬此遣工部左侍郎陳必謙等營建未畢而都城失守賊以帝后梓宮至昌平州士民率錢葬之田妃墓內蘇山 昌平山水記自英宗止宮人從葬于是妃墓始名其在陵山內者昭陵之左九龍池南為蘇山有萬貴妃之墓東向憲宗妃也銀錢山 又南為銀錢山有鄭貴妃暨二李劉周四妃之墓南向神宗妃也魯兒峪 又南為魯兒峪有四妃二太子墓中閹妃王妃左馬妃次左哀冲太子右楊妃次右莊敬太子世宗妃太子也又南為悼陵東南向孝潔皇后陳氏初諡悼靈葬此世廟崩還永陵而封兆尚存旁有沈文肅三妃墓至今猶曰悼陵東山口東有劉惠妃墓英宗妃也蘇山 又東八里有仁宗子斬獻王膝懷王墓易荆水 水經注易荆水東逕薊城又東逕平昌縣故城南又謂之昌平水蓮塘 昌平州志蓮塘在州治南三里八蜡廟前東西二水相環俗呼兩水河旁植榆柳地多杭稻若水鄉焉南沙河 北沙河 州志沙河河北店距州二十五里南店距州二十七里昌平山水記沙河店南有水出昌平州西南五十里龍泉寺合西山諸泉東流為南沙河有橋曰安濟店北有水出

昌平州西南四家莊逕雙塔村東流為北沙河有橋曰朝宗二橋皆正統十二年命工部右侍郎王永壽建二水至店東南寶家莊而合又東南至通州界入白河白浮龍潭 長安客話白浮龍潭水流經白浮村元郭守敬築堰引水使西會馬眼等諸泉折而南流入於潞河以便漕運堰即白浮名元史河渠志白浮泉水在昌平縣界西折而南經甕山泊自西水門入都城焉湯泉 元混一方輿勝覽聖湯一在昌平北二十五里一在昌平南三十五里湯山有寺清夷水 水經注清夷水西逕沮陽縣故城北秦始皇上谷郡治此王莽改郡曰朔調縣曰沮陰芹城水 昌平山水記芹城在州東三十里有橋橋下有水出芹城北南流入於沙河一畝泉 州志一畝泉在州西南十五里東會沙河經陽山由高梁直至張家灣以濟漕河官河 雙塔河 方輿紀要官河在州西南二十里源出一畝泉分為二流一曰官河流入宛平縣入高粱河一曰雙塔河在州西南三十里經雙塔店入榆河元史河渠志雙塔河源出昌平縣孟村一畝泉經雙塔店而東至豐善村入榆河榆河 州志榆河源出州西南四十里月兒灣下流為沙河經順義會白河濕餘水 水經濕餘水出上谷居庸關東又東

流過軍都縣南水經注水南流出關謂之下口水流潛伏十里重源潛發積而為潭潭之濕餘潭方輿紀要榆河一名濕餘河或名溫榆河蓋濕餘之譌也且下舊聞按後漢書王霸為上谷太守陳委輸可從溫水漕以省陸轉輸之勞事皆施行章懷太子注引水經注本作溫餘水遼史順州有溫榆河金史懷柔縣為溫陽豈盡無據又昌平多溫泉有流入雙塔河者溫餘之名竊疑因此水經注既無善本今人習見坊刻遂指溫字為濕字之譌正恐類昔人所云以不悖為悖也虎眼泉 方輿紀要在州西八里舊城下七度水 太平寰宇記在昌平界接虎眼泉紅澗溝 州志紅澗溝在龍虎臺西一十二里幢幢水 州志虎眼川在虎谷山下幢幢水所出也燕都游覽志水流如瀑布三四里至鴉鵲巖隱而不見或謂舊縣西北虎眼泉是其水復出也仙人池 州志仙人池在駐蹕山下傳有仙人浴此玉斗潭 薊丘集玉斗潭距白望山十二里腐草菴之深不可測傳有兩牛鬪陷於潭無迹又北十里為灌石駐蹕山在焉西望白虎踞深若天井山上有臺名栖雲金章宗嘗游此擊毬山下石牀石釜俱存九龍池 篁墩集九龍池方廣十丈重垣護之覆以黃壁石琢九龍張頰飲沐入池冷然有聲

夾池植桃柳稍東爲月關洩水水流出關爲小渠過石梁入山下田昌平山水記九龍池在昭陵西南於山崖下鑿石爲龍頭泉出其吻瀦而爲池上有粹澤亭中一間旁各三間門三道東向繚以周垣爲車駕謁陵事畢臨幸之所嘉靖十五年世宗勅建也燕都游覽志九龍池在紅門西翠屏山下逼近昭陵泉出九穴穴鑿石爲龍吻瀦水爲池餐微子集九龍池上有粹澤亭亭池兩榜世宗皇帝御書也

湯泉 研北雜志湯泉知名者七匡盧汝水尉氏驪山鳳翔之駱谷和州之惠濟渝州之陳氏

山居也燕之昌平李陵臺亦有溫泉按此溫泉西載在州東南三十里者也蓋內溫泉不一此其著名者今

至尊時或臨幸此以上

福山 縣舊志在縣南五里

孔山 明一統志在縣南

道人谿 水經注道人谿水南流逕孔山西上有洞穴開明故土俗以孔山稱

龍山 明一統志在縣南二十里下有龍泉

牛欄山 昌平山水記縣北二十里上有洞傳有金牛出焉至今洞前石壁爲小槽形名曰飲

牛池山北里許有小山皆有仙人騎牛來遊因名靈蹟山宋王曾上契丹事曰順州至檀州漸

入山牛欄當其要路也山之東麓潮白二河合焉有龍王廟山之東南爲漕河營有城二門把

總一人守之長安客話牛欄山與狐奴山相望其第三峰腰帶間一洞相傳曾有金牛出食禾

稼田畝逐之遁入洞穴有投以輓石者輒聞水聲或以物擲之良久自山旁白河浮出其北里許靈蹟山二山一脉前山石身負土後山土身

戴石前大後小行人總以牛欄名

狐奴山 昌平山水記縣東北二十五里爲狐奴山水經注水不流曰奴蓋以山前瀦澤名也其北麓鳥道而上里許漸闊漸平有寺寺後有

小石城山下有龍潭今洞山西南百步有漢狐奴縣址魏文帝黃初二年省涿水亭雜識呼奴山白雲觀有元大德八年集賢學士宋渤碑真

人張賓卿弟子張道寬居順州之呼奴山白雲道觀能以符水救人大丞相東平王嘗有瘍生體中醫藥罔效道寬治以符水遂愈王爲之構觀云

冶山 方輿勝覽順州北有銀冶山王沂公上契丹事順州東北過白嶼河北望銀冶山

石槽 昌平山水記縣西北三十里有石槽三日東石槽南石槽北石槽元史上都兵入古北口其知樞密院事竹溫台以兵掠石槽是也

史山 名勝志史山在縣西北三十五里山石戴土高百餘丈狀如眠弓南望京師城關金碧眩目寺宇皆唐時建

桃山 方輿紀要桃山在縣西北三十五里舊唐書謂之桃谷山山有五峰如桃花瓣巨石錯落橫互數畝元致和初上都兵入古北口留重兵屯燕樂城以輕騎進抵桃山燕帖木兒掩擊之於白狼河追至桃山降其衆燕樂聞之遂潰

白狼河即白河也一云白狼河在縣西北三十里

曹王山 遼史曹王山曹操常駐軍於此

沽水 水經注沽水西南流逕狐奴山西又南逕狐奴縣故城西漁陽太守張堪於縣開稻田教民種植百姓得以殷富童謠歌曰桑無附枝麥穗兩岐張君爲政樂不可支視事八年匈奴不敢犯塞狐奴王莽之舉符也又水經注沽水南逕安樂縣故城東晉書地道記曰晉封劉禪爲公國俗謂之西路水也

濕餘河 水經注濕餘水東南流逕安樂故城西更始使謁者韓鴻北拘承制拜吳漢爲安樂令卽此城也昌平山水記溫餘河卽昌平之榆路河下流爲沙河入順義西南界下至通州入河順義謂之西河金人名縣曰溫陽以此遼史作溫淪河本水經注之濕餘河以字相似而爲也

白河 方輿紀要經靈蹟山黃花鎮川河入焉又南經牛欄山東麓潮河流合焉又南逕縣城東門外

聖井 燕山叢錄順義縣有井一日三溢海潮則大溢源與海通可灌田百畝以上俱順義界內山水

密雲山 明一統志在縣南一十五里昌平山水記密雲山一名橫山郡所以名也

白檀山 昌平山水記縣南二十里爲白檀山漢所以名縣也方輿紀要山在縣南三十里縣舊志山下卽密雲故縣

天門山 舊縣志在縣南三十里下有大門寺
梯子嶺 在縣東南十五里

平岡山 晉紀段遼爲石虎所敗奔平岡山

龍門山 方輿紀要龍門山在縣東六十里有

黃崖洞懸泉如瀑布

驚羅山 長安客話縣東有地名驚羅山厓間

有石門二扇然不可開聽之內有潺湲水聲

仙洞 燕山叢錄縣北有仙洞其深莫測內有

天然石佛五軀又有五色石竦拔如筍洞口有
橋人顧其下深險不敢渡

鳳山 舊志縣西北十五里有石佛寺元建

大峪錐山 方輿紀要大峪錐山在縣北

九莊嶺 方輿紀要在縣北三十里

冶山 昌平山水記縣東北八里爲冶山上有

塔有石洞深邃水四時不竭東有中洞昔人淘
金址尚存

香陘山 水經注香陘山上悉生豪本香世故
名焉

濡河 水經注濡河東出峽入安州界東南流

逕漁陽白檀縣故城地理志曰濡水出縣北蠻

中漢景帝詔李廣曰將軍其帥師東轅弭節白
檀者也

要水 水經注要水出塞外三川並導謂之大

要水東南流逕要陽縣故城東本都尉治王莽

更之曰要術矣

渤海泉 舊志在縣東三十里泉涌如珠時有

雲氣

聖水泉 長安客話密雲山不出泉惟縣南十
里山麓有二泉相踰僅數尺匯爲一流稱聖水
泉山亦因以名泉上有初月亭

鮑丘水 水經注出懷柔北塞中南流逕九莊

嶺東俗謂之大榆河又南逕懷柔縣故城東王

莽更之曰敦德也

石匣龍潭 昌平山水記縣東北六十里爲石

匣城石匣東南渡潮河十五里爲石盆谷有龍

潭潭上石如盆形水懸崖而下入於潭潭外爲

盆水從潭面歷盆抵峽而下數里入於潮河有

龍宅焉其深無底潭中有石門水淺則見土人

曰龍所從出入也上有廟距縣東北五十里

道人溪 方輿紀要道人溪在縣東北源發龍

門流經縣界入於潮河

密雲河 吳文恪公集密雲河本白河上流自

牛欄山下而與潮河交會初蘄遼總督駐密雲

從通州至牛欄山以車轉餉勞費特甚嘉靖中

總督劉燾發卒濬潮河川水達通州用小舟轉

粟直抵密鎮矣水部備考密雲運道即白河上

流運密雲官軍餉者也嘉靖三十四年自密雲

城西楊家莊地方築塞新口疏通舊道令白河

與潮河合流至牛欄山水勢甚大故通州漕糧

得抵密城下

栲栳山 懷柔舊志栲栳山在縣東南九十里

山前有雲巖寺又有砥柱寺

黍谷山 明一統志在懷柔東四十里跨密雲

縣界亦名燕谷山劉向別錄燕有黍谷地美而

寒不生五穀鄒子居之吹律有溫氣至論衡燕

有谷氣寒不生五穀鄒衍吹律致氣既寒更爲

溫熱以種黍黍生豐熟到今名之曰黍谷昌平

山水記黍谷亦謂之寒谷吳越春秋北過寒谷

左思賦寒谷豐黍吹律以暖之是也山有風洞

洞口風氣凜烈盛夏人不敢入鄒衍廟在山上

金鑠山 懷柔舊志縣東北二十里有金鑠山

山頂夜常有光因建金鑠寺

象山 在縣東北四十里山形如象

紅巖山 明一統志在縣北二十里高二百仞

下有潭潭中嘗有二羸色殷紅夕吐光燄土人

異之因以名山金史溫陽有巖山漱水兔耳山

紅石山 懷柔舊志在縣西北三里山頂有石

泉瑩潔如玉一名玉泉山

石塘山 昌平山水記縣西三里爲石塘山有

大工則採石焉設工部廠

丫髻山 昌平山水記縣東南九里有丫髻

山二峰高聳上有碧霞元君祠天啓七年巡按

御史倪文煥請建太監魏忠賢生祠於此賜名

崇功祠未成而忠賢敗

神山 縣志縣東北二十里有神山

白河 潮河 昌平山水記縣東七里爲白河

又東十五里爲潮河

小泉河 鴈溪 縣志縣東三里有小泉河又

東五里有鴈溪俱流入白河

珍珠泉 長安客話紅巖山有泉一綫以珍珠

名其水湧如噴珠

玉泉 縣志紅石山頂有石泉瑩潔如玉

朝鯉河 王沂公上契丹事朝鯉河亦名七渡

河 以上懷柔
界內山川

钦定古今图书集成方輿汇编职方典

第十三卷目录

顺天府部汇考六
顺天府山川附考二

职方典第十三卷

顺天府部汇考六

顺天府未详，山川附考二 〈良乡至怀柔〉 料石冈：《方輿纪要》：在良乡县治东三里。冈有古城五座，方圆棋布。冈顶有多佛塔，隋建。长安客话：良乡县城东里许，有石冈，石赤色如燎。以取火因名燎石。冈旧有佛塔，亦名塔冈。

伏龙冈：《名胜志》：县西十里伏龙冈，形势蜿蜒，如龙之伏，故名。

龙泉山：《名胜志》：县西十五里为龙泉山，山下有石龙口，出泉不竭，东流入盐沟河。

圣水：《水经注》：圣水南流历良乡县西，转又南经良乡县，故城西王莽之广阳也。有防水注之。又，圣水出上谷，东过良乡县南，又东过长乡县北，又东过安次县南。

龙谷泉：《寰宇通志》：金大定间所凿，极甘。在良乡县西北。

琉璃河：《石湖集》：琉璃河，又名刘李河，在涿州北三十里。水极清泚，茂林环之，尤多鸳鸯，千百成群。此河大中祥符间路振乘轺录亦谓：琉璃河。唯嘉祐中宋敏求入蕃录，乃谓之六里河。《长安客话》：良乡县南四十里，有琉璃河，自房山龙泉峪流至霸州，入拒马河。又，胡良河自房山经涿州入此河。旧有桥，长数十丈。桥畔倚一铁竿，长数十尺，盖镇压之物。俗谓王彦章所遗铁篙。谬也。其元恩、咸济二坊并世庙敕建。《燕都游览志》：琉璃河，即《金史》所载之刘李河。《桑钦水经》曰：在上谷。孙汝澄曰：即琉璃河也。

北涉沟、南涉沟：《名胜志》：俱在县东，至涿州入桃水。《水经注》：圣水自涿县东与桃水合首，受涑水于徐城东南，良乡西分洹水，世谓之南涉，即桃水也。《方輿纪要》：南涉沟即督亢水，北涉沟在涿州西北，自涑水县流入，即洹水也。

洹水：《水经注》：洹水东径涿县北，东流注于桃。故应劭曰：洹水，东入桃。阚骃曰：至阳乡注之。 〈以上俱良乡界内山川。〉

瀹淀水：《水经注》：瀹淀水，上承护陂于临乡县故城西，东南径临乡南。汉封广阳王子须为侯国。《地理记》曰：方城南十里有临乡城，故县也。福祿

水：《水经注》：福祿水，出西山，东南径广阳县故城南，东入广阳水乱流东南，至阳乡县，右注圣水，圣水又东南径阳乡城西，不径其北矣。县故涿之阳

以上内容仅为本文档的试下载部分，为可阅读页数的一半内容。如要下载或阅读全文，请访问：<https://d.book118.com/625304112221011221>